

Eranharhikua arhikata

¿Míteskire nani ka naniksí marhuasini chéeti derechuecha ka náanare kurhajpeawa parakaksí úaka sésí ánychetaani?

Traducción:
Puki Lucas Hernández
purépecha

Protección de los derechos humanos kuájpentasintikeni

Derechos humanos kuájpentasintikeni. Ékare no sésí nitamakorheni jaka o ékare mítekuka néni imani énkaksí juramatiicha útakuni jaka, wantakuantaa Comisión Nacional de Derechos Humanurhu arini miyukuarhu:
018007152000
www.cndh.org.mx

Derechuecha énkaksí indígenecha jatsikorheaka

- Jatsiskare derechu parakaksini k'uiripu janhanharhicheaka chéeti mimixekuani ka cháari mámaru járhati p'intekuechani
 - Jatsiskare derechu parare wantontskorheni yápuru ísé cheeti wantakua jimpo
 - Jatsiskare derechu parakaksí jarhuataka kuájpentani juiciorhu ka ísture jatsiska sésikua parare kurhajpekorheni k'uiripuni ima énkare míteaka sésí chéeti wantakuani ka chéeti mimixekuani ampe
 - Jatsiskare derechu parare erakurheani ánychekorhetechani imani énkare sánteru wétarhinchani jaka ka imani énkakeni sánteru marhuacheaka
- CDI: 0155 91832100**
www.cdi.gob.mx

Jatsiskare derechu parakaksini no jámaaka teresmarhu

- No nékini kuájkutaati, níjtuksini úa arhini éskare no ma jatsikorheaska derechuechani jimpokare chéeneo iretarhu anapueska o k'eri irekatru, o jimpokare warhiitiska o achaati, o jimpokare kutsímeskia o t'arhepente, o jimpokare marikueni jámasinka o jimpokare tumpiini jámasinka, o jimpokare p'amenchansinka ampe, o jimpokare ónhakorherixaka, o jimpokare túmina no káni jatsikorheska, o jimpokare ma sápihuni erokorhexaka, o jimpokare máteru jási wantasinka, o jimpokare máteru jási jakajkukua káasinka, o jimpokare indígeneska, o jimpokare no sésí jáxeska o ísí máteru jási ampe
- No nékini úati teresmarhuni
 - No nénte jámaaka teresmarhuni
- Teresmarhujpekua no sésí p'ikuarherajpesinti
CONAPRED: 52621490 o (01800) 5430033
www.conapred.org.mx

Jatsiskare derechu parakaksini wantontskorhecheaka

- Jatsiskare derechu parakaksini ayankuaka ampe ka ampeksísi ánychekorheni jarhajki cheeti jurhamutiicha

Énkare t'ú karakata ma axakuaska jurhamutiichani k'urhamarhianta mámaru jási k'uiripuéri úkua, ts'iksini ayankuati, ísture ampuaka k'urhankorheni internet jimpo (www.infomex.org.mx). Yápuru ísire ampuaka k'urhankorheni, ka ékakeni no niaracheska imani énkare k'urhankorheska, ampuakare nirani míteni IFAIrhu

Yámintu institucioniicha xarhataatsí internet jimpo yámentu jási úkuechani paraka úaka k'uiripu exeni
TELIFAI: 018008354324
www.ifai.org.mx
Información estatal o municipal: www.proyectoinfomex.org.mx

Jatsiskare derechu paraka cheeti úkuecha ampe ampuaka patsakorheni

- Ampuakare k'urhamarhini gobiernuni karakata jimpo ma ampe ka ampeksí míteski cheeti ampe. No ma ísku jaweenhati institucióni etsakuni cheeti ampe jimpokaksí nómppe cheeti sésikua jatsiska
- Karakatare ampuaka axani internet jimpo (www.infomex.org.mx). Yápuru ísire ampuaka k'urhankorheni, ka ékakeni no niaracheska imani énkare k'urhankorheska, ampuakare nirani míteni IFAIrhu
TELIFAI: 018008354324
www.ifai.org.mx

Jatsiskare derechu parare votariini ka ísture jatsiska derechu parakaksini votariwaka t'unksini jimpo.

- Jatsiskare derechu parare erakuni nénte jimposi votariwa ka ístu jatsiska parare erakuani néechani jinkuntesí juramua
 - Ampuakare votariini imani jinkuni ima énkare sánteru sésí kurhajchaaka, no nékeni juramucheati ka ísture ampueka xukajchani o pasajkukuni juramutiichani
 - Yámentu partiduecha jatsistiksí sésikua parakaksini ayankuaka yámentu ima énkare t'ú wékaska míteni
 - Yámentu k'uiripu májku jásiyche jatsiska derechu parakajche ampuaka jinteeni jurumuti k'eri iretarhu
- Ekaksini xukaparini votariitaraska, wantantaakare jimpo delitueska, wantaakare arini miyukua jimpo:
IFETEL: 01 800 4332000 y
www.ife.org.mx

- Jatsiskare derechu parakare tánkorheni máteru k'uiripuni jinkuni ka isijts'ini jarhojperani jirinhantaani, kurhankutsperani ka etsakuni chaari eratsekuechani ampe, ístujtsí ampuaka wantontskuarhini ka úantsí ánychekorheta parakajtsí winaperantawaka chaari ireteechani ka k'eri iretani
- Isture jatsiska derechu parare úantani asociacióniichani ka partiduechani

IFETEL: 01800 433 2000
www.ife.gob.mx

Jatsiskare derechu parakaksini sésí kuájpentaaka.

Énkaksini no janhanharhicheawaka cheeti derechuechani ampuakare kurhajkorheni inka arhinhajka juicio de amparo jini cheeti Estadurhu o Distrito Federali. Iní juicio jimpo úakare kuájpekorheni paraka k'uiripu janhanharhiawa yámentu derechuechani énkaksí karanharhikata jaka Constitución Política de los Estados Unidos Mexicanurhu

Inka arhinhajka suprema Corte de Justicia de la Nación exesinti náxanksí jukaparhasini derechuecha énkaksí míntakata jaka k'eri iretarhu Estadu Mexicanurhu
www.scjn.gob.mx y www.cjf.gob.mx